

十朝东华录

乾隆朝

第五函

函七册

乾隆東華續錄四十二

臣周爾恭恭校 王先謙敬編

秋七月甲戌命纂平定準噶爾方略○丁丑諭軍機大臣等前班第等屢次密奏阿睦爾撒納貢恩狂悖斷難姑容是以特降諭旨令其密行擒治今阿睦爾撒納復欲速來入覲語屬可疑未必出於至誠特因所行非理懼班第等擒治因而多方違其狡獪是其言雖可聽實無欲來之心或行至中途託病遷延或至塔爾巴哈台遊牧依戀久居均未可定夫以阿睦爾撒納如此奸狂悖豈僅降旨開導所能了事若不將伊擒治又何如置之不問今伊惡迹已顯著如此班第等不思密為辦理但稱請朕面加訓諭以折其心是全不知事理之輕重矣著速行密諭如此際奉到前月二十八日所降之旨已將阿睦爾撒納擒治甚善若未及辦理而伊已起程前來班第等接到此旨約計阿睦爾撒納行程未遠即遣人將伊追回擒治如已過旬日之外亦須沿途詳密偵探消息再行辦理朕意阿睦爾撒納至塔爾巴哈台必謊言防範哈薩克遷延不進班第等應即會同防範哈薩克為詞著薩喇爾鄂容安帶領所留兵五百名及達什達瓦屬下兵聲言會合速行趕赴擒治設伊行至中途託病逗留伏竄他處不便遣兵擒拿亦著班第等酌量設法妥辦總之阿睦爾撒納逆迹已著不可姑容以致貽患將來路途遼遠班第等須盡心籌畫乘時決策毋得稍自委靡致失機宜再額琳沁多爾濟不過一小有才之人未經更事一切密要之語且勿令與聞將此一併傳諭班第等知之○戊寅班第奏杜爾伯特台吉伯什阿噶什等來降遣伊弟肯哲畢喀入覲報聞○已卯諭朕時巡江浙已屢降旨令該督撫等毋事浮靡務從簡樸並飭禁一切商捐陋習乃聞前次南巡時浙省辦差至有富商捐費者此斷不可著再行曉諭嚴加禁止朕清蹕所經觀民間俗關政治之大端即動用數十萬正帑亦何不可而必取給於捐項乎該督撫等宜仰承德意無恤黔黎苛徒以鋪張華麗炫溷耳目至派果各商舖戶使不肖胥役乘機滋擾侵肥是以惠民之典而轉以累民豈朕巡幸本意亦豈所以慰兆庶望幸之忱耶若仍出此朕惟引以為戒不當俯從所請矣如西湖中船隻自 皇太后及朕御用一二舟外其隨侍人等原可各載小艇毋庸多備船座以滋糜費再所過城市民居因迎候鑾輿各出誠敬之意於其門前香鑪懸綵者自可不禁其行宮陳列玩器蘇揚城郭衙街間張設棚幔已有旨禁飭至沿途水次從前俱設鑼船戲船臺閣俚俗遊玩之具此不過地方吏役及民間游手好事之徒藉名苛斂尤當通行嚴禁該督撫等其懷遠無忽○癸未予故禮部右侍郎嵩壽祭○乙酉諭軍機大臣等據班第等密奏阿睦爾撒納將所賞黃帶孔雀翎置而不用並云將已經內附受恩之處告知厄魯特人眾等語阿睦爾撒納種種悖逆斷不可留朕屢經降旨密諭班第等遵辦今覽班第等所奏阿睦爾撒納不惟不知感激朕恩且將內附受恩之處欺瞞厄魯特人眾即此一節應即明正典刑其餘悖逆之事更無足問矣班第等如奉到前月二十八日所降諭旨已將阿睦爾撒納擒治甚屬妥協如尚未辦理伊已起程前來朕必將伊拏問班第等諸事宜密之又密不得稍有漏洩○丁亥諭阿爾泰自出兵以來奮勉效力擒獲達瓦齊實屬可嘉著加恩賞給世襲男爵○諭軍機大臣等據班第等密奏阿睦爾撒納阻止班珠爾等前來入覲又班珠爾倚藉勢力將並非伊舊日

屬人歸併管轄經班第等駁回等語阿睦爾撒納種種悖逆深負朕恩屢降諭旨令班第等遵辦今聞此奏阿睦爾撒納欲留班珠爾齊木庫爾等在彼不合前來入覲明係欲留其黨以增羽翼其叛迹愈著班第等如遵前月二十八日所降諭旨已行擒治固屬甚善若伊已起程至塔爾巴哈台邊牧地方借防禦哈薩克之名逗遛不前亦遵前旨著薩喇爾鄂容安帶領兵丁以會同防範爲詞將伊擒治儻阿睦爾撒納尚未至伊邊牧中途遷延班第等即以奉旨會商事件追伊回至軍營辦理如不遵旨前來即著班第等帶兵追擒先將通哈薩克路徑派兵堵禦使其不致免脫方爲妥協再前經降旨令伊等辦理阿睦爾撒納時將齊木庫爾納噶察等一併查拿今查班珠爾亦係其黨伊二人乃同母異父之子自必同謀班珠爾亦應一併治罪但伊已於二十九日隨同阿蘭泰來京途中尙可稍緩俟伊至熱河另行辦理班第等此次力折阿睦爾撒納阻止班珠爾之議薩喇爾鄂將諾海奇齊克等派出防禦不令阿睦爾撒納得逞奸謀甚屬可嘉班第薩喇爾鄂容安務宜加意奮勉和衷集事庶不負朕委任至意○壬辰停河東轉運倉豆○癸巳諭軍機大臣等班第等密奏達瓦齊牲隻什物阿睦爾撒納薩喇爾皆私自掠取彼此不相和協等語班第等以此事陳奏全未知朕用人之意阿睦爾撒納薩喇爾皆係厄魯特貪婪性成若使阿睦爾撒納無悖逆之迹不過貪取財物原可毋庸深究至薩喇爾更係厄魯特屬人歸順已久受恩甚厚諒伊必不至有僭妄狂悖之事若因此等小事疑而不用何以收羣策之力即以掠取牲隻什物而論朕知薩喇爾必不至如阿睦爾撒納之甚見在班第鄂容安會同薩喇爾辦理緊要事務若過於疑心使伊知覺轉屬無益班第等惟當開誠相示據理阻止薩喇爾自必聽從若亦如阿睦爾撒納之多方防範使伊畏懼或致激成事端關緊匪細况薩喇爾不過暫住伊犁一二年並非令其長久任事之人此時無庸過於苛求班第等務宜善體朕意公同籌畫以副朕委任○丙申諭軍機大臣等班第等將阿睦爾撒納遣納噶察帶兵前往招服葉爾羌喀什噶爾回子又欲借防備哈薩克爲名不行前來入覲並欲令齊木庫爾居住塔爾巴哈台地方各情形密行陳奏觀此則阿睦爾撒納乖張悖逆之迹益屬顯著無疑朕前所降諭旨伊豈肯傾心折服是阿睦爾撒納斷難姑容但恐伊至塔爾巴哈台地方託故久居不肯前進耳如伊仍未起程班第等遵奉二十八日所降諭旨業經辦理甚善儀未及辦理伊已起程前來則應將伊依戀塔爾巴哈台之處先行加意體察最爲緊要班第等一經探得確信則此旨一到即遵朕前諭將阿睦爾撒納調回完結後仍即遵旨帶兵速赴塔爾巴哈台將伊親屬信用之人一併擒拏如阿睦爾撒納中途別無留戀徑行前來班第等得信亦即遵行密奏俟降旨辦理仍酌量日期再降旨與班第等俟奉到之日一面派兵星赴塔爾巴哈台辦理此際惟宜密之益密毋使稍有洩漏○丁酉班第奏遵噶爾各宰桑來降達瓦齊所屬應作爲公中屬下將爲首宰桑授三品總管內有恩賞散秩大臣副都統銜者仍兼總管之任口三千以上授內大臣一千以上授散秩大臣一千以下授三品總管一百以上授四品總管再伊等進貢之例酌議裁減其供膳喇嘛照舊辦理下軍機大臣議奏尋議來降宰桑五十二人內俄羅斯殺轉宰桑奇塔特率四千餘戶來降所率非其屬下應據散秩大臣巴蘇泰糾合博托什率

九百餘戶來降亦應授三品總管賽音察克率一百五十餘戶來降已授副總管其職銜仍俟 欽定餘應如所奏得旨所有準噶爾舊有之四圖什墨勒鄂勒哲依約蘇圖阿巴噶斯俱著授爲內大臣其衰布所遺之缺俟選人補授亦著授爲內大臣賽音察克仍授爲副總管餘依議○己亥命江蘇截留糧十五萬石備賑○辛丑諭軍機大臣等班第等密奏阿睦爾撒納種種逆蹟圖據準噶爾地方及促令起行後次日即行住宿復遣納噶察告稱阿巴噶斯約蘇圖烏克圖與喇嘛等潛行計議如不令阿睦爾撒納統領駐紮伊等甯割腹而死不得貪生別事他人等語阿睦爾撒納叛逆已彰辦理自不容猶豫昨據奏阿睦爾撒納已於初十日起行朕意方謂就此辦理甚屬便易但據班第今日所奏則似阿睦爾撒納意中已不無猜疑朕心深爲慮念乃班第等奏稱或俟伊至熱河時酌量辦理或令於熱河附近及呼倫貝爾等處居住所言參差不定是全不知事理之輕重矣試思見在事勢至此朕即有姑留阿睦爾撒納之意伊等俱係目擊情形理當據實陳奏無所遲回而乃二三其說不能果斷若此朕甚不取再如阿睦爾撒納故令納噶察來述阿巴噶斯等之言彼時如何相答亦未奏及又稱將約蘇圖等業行調取等語夫阿睦爾撒納遣回納噶察逞其誣妄之詞明係試探伊等使識見明敏之人即當向納噶察云阿睦爾撒納與我等同爲將軍伊之前去即如我等前去我等在此亦即如伊在此幸桑等何敢作此妄語果其有之即應向阿睦爾撒納查問如此詰責不但當下情詞可以洞悉即伊回告阿睦爾撒納時亦可款慰其心今既不出此恐阿睦爾撒納不能不生疑畏再達什達瓦之妻告稱阿睦爾撒納欲娶其女協力相助即可收服四衛拉特之語似覺荒唐以阿睦爾撒納之行此言在所必有但今日安肯輕吐使薩喇爾聞之能保其不爲傳述乎伊即有此言班第等惟應密加防範而仍示以不疑乃告以將此情節具奏殊非慎密之道今此事既往無庸置議此間相距甚遠一切軍宜班第等務宜相機籌辦勿致稍有貽誤再觀阿睦爾撒納欲前復卻情形其意詎肯徑行前來班第等此時如遵朕前旨將伊業已擒治固甚妥協如未及辦理而伊已起程前來勢必在塔爾巴哈台游牧處逗遛班第等加意探訪一得信息即遵朕屢次所降諭旨務期熟籌妥辦一舉萬全無少疏漏慎之

八月丁未 上奉 皇太后啓鑒秋獮水蘭○戊申免經過地方額賦十分之三○己酉諭軍機大臣等班第等奏稱奉到六月二十八日諭旨時阿睦爾撒納業與額琳沁多爾濟同行又有各處撤回兵丁在後阿睦爾撒納自必前來入覲等語阿睦爾撒納果來至熱河辦理自易且將伊罪惡暴白於新來投誠人等亦可以快眾心而彰國法但伊甫經起程即有人指其罪狀紛紛告許伊豈不聞風畏懼且伊自揣所爲必不敢前來入覲雖已起程或沿途託故戀住遊牧事所必至伊見在已抵何處摺內未經奏明前曾諭及起程若尙在十日以內即行擒治此時會否辦理所當加意慎密如尙未辦理見在雖有攻擊阿睦爾撒納之人且陽爲解勸置之不問切勿令其知覺致生他變至阿巴噶斯逆妄情形顯與同惡今伊忽告薩喇爾云從前隨阿睦爾撒納行走未得在遊軍前效力等語前經班第等調取阿巴噶斯等前來此時果違調前來與否摺內亦未明晰又管理伊犁渡口回目鄂斯瑞伯克來

訴阿睦爾撒納強其牲隻口糧俟辦伊遊牧後酌量給還即不敷抵補料擒治阿睦爾撒納後眾心已快亦可無庸補給再所奏
塔爾巴哈沁台吉額琳沁由哈薩克逃回見住博囉塔拉與阿睦爾撒納同族而有宿嫌今雖攀援內附中心必不相合俟來見時
加意體察自可得哈薩克與巴特瑪車凌信息等語班第等或令額琳沁前來入覲或酌量安插原遊牧處公同酌定即行奏聞至
薩喇爾於阿睦爾撒納之姊來見時察其辭語甚屬留心但婦女言詞不足深究即如阿巴噶斯等亦不過趨附勢力勉強從之
人若襲行窮治則各部未免生疑但阿睦爾撒納既有令伊姊子沙津巴圖管領達什達瓦戶協力同助之語將來或即將沙津
巴圖安插於察哈爾地方若沙津巴圖尚無異心亦不必安插將此傳諭班第等俟辦理阿睦爾撒納後即遵旨辦理○辛亥命江
蘇再行截留漕糧十五萬石備賑○壬子 上奉 皇太后駐蹕避暑山莊○甲寅諭軍機大臣等班第等奏杜爾伯特台吉伯什
阿噶什告稱從前古爾班和卓聞大兵平定伊犁原與哈薩克計議歸附續因阿睦爾撒納遣使到彼哈薩克復有出兵信息請遣
兵相助以爲聲援班第等遂派侍衛章武宰桑博第前鋒阿喇勒拜等前往等語看此情形明係阿睦爾撒納陰相煽誘即如阿巴
噶斯等亦皆受其籠絡今但將阿睦爾撒納擒治費端即可永弭朕意阿睦爾撒納此時必逗遛於游牧地方班第等即遣人往追
伊必不遵行惟遵照前旨即令薩喇爾鄂容安領兵至塔爾巴哈台將伊擒治方爲妥協如伊果前來入覲則俟伊到熱河時辦理
固其易也從前遣使至哈薩克時阿睦爾撒納必令伊屬下人前往其中顯有詭計曾降旨將伊所遣之人訊問班第等如業將阿
睦爾撒納擒治即嚴拏阿睦爾撒納遣往哈薩克之人訊明切實供詞具奏再班第曾奏訪得阿睦爾撒納與阿巴噶斯等竟夜屏
人密語而納噶察傳說阿巴噶斯誕妄之言有若不令阿睦爾撒納統率噶爾伊等惟有剖腹而死等語乃阿巴噶斯又向薩喇
爾告稱有被阿睦爾撒納留住不得在將軍前效力之語如班第等訪問屬實則伊等有心同謀罪在不赦如阿巴噶斯向薩喇爾
之言果係實情則是第爲阿睦爾撒納威力脅制情尚可原班第等應加意體察不可受其欺給亦不得過於疑慮且似阿巴噶斯
之人亦必不一而足若辦理阿睦爾撒納後一一根究則以一人而株連眾人新降人眾必生疑懼於事無益班第等務宜斟酌辦
理今所慮者阿睦爾撒納或乘閒逃入哈薩克亦未可定如果逃往班第等即遵朕前旨遣人曉諭哈薩克務必令其擒獻儻不遵
行則以兵力進取見在阿睦爾撒納行至何處及於何處逗遛摺內並未聲明著即速查明具奏至此大投誠之台吉宰桑等朕俱
酌量加恩賞給爵秩伯什阿噶什將哈薩克情形詳悉告知其輸誠更屬可嘉且係準部大台吉著加恩封爲親王前鋒阿喇勒拜
亦屬奮勉著賞給藍翎伊等前往招服古爾班和卓後即將情形奏聞○乙卯諭軍機大臣等班第奏遵旨行令阿睦爾撒納回至
軍營適伊從前遣往哈薩克之丹津與來使同至詞頗恭順未便遽將阿睦爾撒納調回致生事端遂即停止追回等語所辦尚合
機宜但哈薩克來使阿穆爾巴圖魯既懇入覲班第等即應明白曉諭以阿布賚誠心款附恭順可嘉我等即奏聞大皇帝令爾等
隨阿睦爾撒納一同入覲如此伊等既知內地將軍權柄所在而阿睦爾撒納亦難於阻止今將來使遣回聽阿睦爾撒納定議恐

伊未必違令前來在阿睦爾撒納初不願哈薩克來使恭請入觐而又難於禁止是以令往班第處定議今班第仍交阿睦爾撒納辦理是則墮其術中殊未允協嗣後哈薩克如再遣使前來即徑送入京至阿睦爾撒納之兄普爾普率桑烏巴什及在逃之固穆扎布等或隨伊入覲或留匿伊游牧處俱應分別辦理惟葉克明安之德濟特察表初降時頗屬安靜後漸驕縱貪婪此特附和阿睦爾撒納之人班第等宜詳察情形相機辦理又所奏善披領集賽之尼爾巴喇嘛密告阿睦爾撒納使伊等保留駐紮不願入覲伊等未經允從又告其暗結各宰桑遣回游牧情事甚屬可嘉著即授為大喇嘛明年令其前來入覲見在章武阿喇勒拜等協同伯什阿噶什招撫哈薩克可即將哈薩克見在遣使前來之處曉示伯什阿噶什等伊等抵哈薩克邊境時毋得搶掠生靈惟加意防守即伊部落有兵侵軼亦先以理諭令其撤回如不遵再為擒剿仍將招撫哈薩克情形陸續奏聞○丁巳 上奉 皇太后自避暑山莊巡幸木蘭行圍○庚申諭軍機大臣等朕明歲南巡一切應行籌辦事宜該督尹繼善前請於何防秋汛事畢來京面聆訓旨今該督見在高黃一帶查勘河工朕亦欲俟其來京面加訓諭但若朕回京陛見則伊回抵江南尚需時日恐辦理不能裕如朕自木蘭回鑾約計九月二十日前可抵熱河彼時正當筵宴準噶爾諸台吉之際尹繼善值此嘉會不可不躬逢其盛且便於商略事宜著傳諭該督令其徑赴熱河同入筵宴尹繼善厚重有體在滿洲大臣中可壯觀瞻使外藩見之亦足增色也○諭朕前降諭旨俟辦理阿睦爾撒納後若將同黨之德濟特察表阿巴噶斯察哈什等盡行擒治恐準噶爾各部妄生疑懼此中若有實係脅從非其本心者即不必辦理又如阿睦爾撒納之兄普爾普扎木參齊木庫爾其俱應擒治與否班第等宜悉心體察據實奏聞再阿睦爾撒納之塔爾巴哈台游牧人眾朕意與其分給眾人不如若令喀喇巴圖魯阿玉錫管領再擇一協同管領之人在扎布堪等處居住亦可仍傳示伊游牧以阿睦爾撒納實恩悖逆斷不可留罪止其身與眾無與特不忍伊等離散派出大員管理似此辦理事後可不致別生事端與否班第鄂容安見在彼處薩喇爾深知伊等情形著即公同會商具奏○辛酉命準部王公扎薩克等照內地扎薩克一體給俸○命準部歸公管轄之二十一昂吉分立八旗仍准存舊日名號○癸亥賞準部貧戶官茶

九月壬申朔諭軍機大臣等班第等奏阿睦爾撒納前遣得木齊特古斯孟克前往古爾班和卓及西部哈薩克今與伊等使人同至據伊等來文及使人所告請將塔什干城內向日駐紮回人阿奇木一員厄魯特哈爾罕一員不必駐紮查此係策妄阿喇布坦時相沿舊制今請裁去是有據占塔什干之意因示以不便推行令其齎捧頒諭哈薩克敕書與前遣之侍衛章武等同往招撫仍令伯什阿噶什之兵沿途防護等語所辦尚合機宜惟哈薩克來文內有聞阿睦爾撒納仍居舊游牧甚為喜悅可復親噶爾丹策零之時等語此必係阿睦爾撒納隱諱投降受恩之事但以借兵復仇並總統準部為詞從前因阿睦爾撒納離軍營未遠詰問恐致洩漏今已歷多時自當詳詢特古斯孟克將阿睦爾撒納遣伊前往時有何言語明白供出班第等未將曾否詰問之處陳奏殊屬含糊此時特古斯孟克如尚未遣回阿睦爾撒納處即詳悉詢問具奏再古爾班和卓來文內稱前避達瓦齊之鋒逃往彼處今

欲來歸恐遇舊日仇人相害乞爲保護並恐哈薩克布魯特邀截等語伊若能親身前來受其歸順則可若必須救助至與哈薩克等講兵將來羣起效尤必無休息斷然不可著傳諭班第等知之○甲戌喀爾喀親王額琳沁多爾濟奏八月十九日至烏龍古地方阿睦爾撒納將印信交臣告稱先至遊牧再行入覲次日阿睦爾撒納從額爾齊斯地方逃去沿途搶掠臣即揀選索倫兵二百名喀爾喀兵一百名起程追逐諭軍機大臣等額琳沁多爾濟奏阿睦爾撒納逃遁情形甚屬含糊阿睦爾撒納既未逗遛於塔爾巴哈台遊牧業已前進離其妻子遊牧處不遠何以不挈之同行或搶掠喀爾喀再圖竄逸乃顯將印信交出忽爾遁去此中情形叵測相距甚遠難以揣度著將額琳沁多爾濟奏摺鈔寄班第等閱看從前伊奏阿睦爾撒納情事朕已節次降旨訓諭此時班第等若得伊速逃信息卽遵照前旨相機辦理仍將所得信息及如何辦理之處卽速奏聞○乙亥諭軍機大臣等據莫爾渾等奏稱貝勒齊木庫爾普爾普員子德濟特克什克台吉鄂爾參等將阿睦爾撒納私遣至遊牧之們都及二僕人挈獲詢知阿睦爾撒納通信遊牧人等先行起程伊卽從阿爾台一路來迎等語昨額琳沁多爾濟奏報阿睦爾撒納中途逃遁甚屬含糊朕尚未深信今伊私遣屬人通信遊牧以冀潛逃種種逆蹟俱已敗露實爲深負朕恩齊木庫爾普爾普等不顧弟兄私情將伊所遣之人挈獲送到深明大義實可嘉子齊木庫爾等所屬戶口仍令伊等自行管轄俟擒治阿睦爾撒納後卽將阿睦爾撒納戶口產業分別賞給伊等以示鼓勵仍俟來京入覲另行加恩著傳諭阿蘭泰等降旨曉諭伊等知之○丙子諭據永常奏稱阿巴噶斯哈丹等將西路臺站搶掠奪取官茶等語前班第等將阿巴噶斯哈丹等與阿睦爾撒納互結黨援謀爲不軌情事曾經奏聞昨額琳沁多爾濟又奏阿睦爾撒納於中途逃遁伊已帶兵追逐今阿巴噶斯等搶掠臺站官物則伊等黨惡爲奸迹已彰著阿睦爾撒納受朕厚恩喪盡天良謀爲叛逆實天理人情所不容必應擒獲治罪永常此次辦理尙屬勇往接到此旨卽將素倫兵調回帶領前進其各隊撤回兵丁如有應調者亦卽就近調取彼處見有馬七千餘匹酌量調用策楞三格等帶領駐防滿洲兵一千名奮勇前進或應剿除或應安撫公同妥協辦理如有必須留待之處占據形勢以待後隊兵至併力進剿見在鳴勒蘇多爾濟等俱赴熱河入覲恐阿逆捏造妄言煽惑伊等遊牧人眾特命鳴勒蘇多爾濟沙克都爾曼齊巴雅爾等奇信曉諭伊等遊牧人眾由驛遞寄永常接到卽日委員遞交伊等遊牧再伊等已派出各宰桑等令玉保帶同馳赴軍營鳴勒蘇多爾濟等亦不日卽令其同至遊牧一切應行辦理事宜已降旨與王保俟伊到時永常策楞等會同詳細商酌籌辦永常仍著辦理定西將軍事務策楞玉保扎拉豐阿俱著在參贊大臣上行走○命江蘇再截留漕糧二十萬石並撥運河南粟麥二十萬石備賑○丁丑諭軍機大臣等阿蘭泰奏稱已將阿睦爾撒納妻子及班珠爾等收獲派侍衛富廉等解送來京並派兵將伊遊牧人眾遷至塔密爾等處等語阿睦爾撒納妻子等卽飭侍衛等中途小心管解速行來京至伊等所奏阿睦爾撒納之妻並不聽從潛逃此特見我兵已至無可逃遁故爲此飾詞豈可憑信如果誠心不肯潛逃則阿逆之詭計伊妻早已聞知何不先行陳訴著將此情節另行詳悉具奏阿逆遊牧人眾不特不宜仍在原

處居住即遷至塔密爾鄂爾坤等處尙屬未協從前會令查勘邊境呼裕爾地方爲安置伊等游牧之地卽著哈達哈阿蘭泰等將
阿逆游牧人眾馬駝器械盡行收取惟留口糧羊隻派出兵丁嚴行防護移通肯呼裕爾安置俟齊木庫爾等入覲後察其情形
卽將阿睦爾撒納人等命其管轄所獲阿逆還回游牧之門都等審訊明白卽在彼處正法或於烏里雅蘇台地方嚴行看守候擒
獲阿逆時一同獻俘阿蘭泰等見將滿洲索倫兵丁暫在扎布堪駐紮俟游牧定後令在庫克嶺那木嶺二處防守此項兵丁與
其在彼二處防守不若接應額琳沁多爾濟併力前進更爲有益然或相離已遠或馬力不足著阿蘭泰等查明奏聞阿逆逃竄後
額琳沁多爾濟卽領兵前進擒獲自易且伊屬下人怨恨者多心已離散阿蘭泰等應遣人知會額琳沁多爾濟設法曉諭阿逆所
屬人等令其自行擒獻承受重恩卽屬下人等必自內生變遷賊更易七獲將此詳悉傳諭阿蘭泰等遵照辦理○諭阿睦爾撒納
包著吳志敢爲逆亂實由和托輝特郡王青滾維卜達迎逆誘所致又承阿逆風旨將派出入覲之諾爾布丹津帶往烏梁海地方
伺罪斷難寬宥著傳諭哈達哈將青滾維卜從容合至軍營卽行解來京並曉諭和托輝特人眾青滾維卜獲罪擒治與爾等無涉
青滾維卜原係貝勒因著微勞晉封郡王今既獲罪理應削其貝勒朕姑念伊祖勳勞著加恩將貝勒令伊子承襲諾爾布丹津如
仍在青滾維卜處或去尙未遠一併解送京如去已甚遠卽可不必○諭據阿蘭泰奏北薩克林丕勒多爾濟等爲阿睦爾撒納
所困伊等各發矢突圍而出旋遇阿睦爾撒納輜重奪取白纛盤纏等物等語林丕勒多爾濟等奮勇可嘉速行送至熱河其兵丁
等各賞銀二十兩以示獎勵舊傳諭哈達哈等知之○己卯諭軍機大臣等永常奏阿巴噶斯哈丹帶兵搶掠扎那噶爾布游牧扎
那噶爾布因力弱不能抗拒勉爲服從等語是其心本無他情非得已朕已洞悉著傳諭扎那噶爾布此時但約束游牧整頓兵力
以待大兵前進共殲逆賊毋致驚惶擾亂事定後自當永受殊恩若扎那噶爾布果能奮力自拔卽束身歸命儻或不能惟宜安靜
自守斷不得因已同阿巴噶斯等形迹交通妄生疑懼致貽後悔著詳悉曉諭知之○諭據阿蘭泰等奏拿獲阿睦爾撒納遣往遊
牧之阿穆爾濟爾噶勒等七人解送烏里雅蘇台交永貴麒麟保嚴審等語所獲皆係重犯何不卽行審訊且永貴等又豈能究出
端末著傳諭阿蘭泰等此際如已審訊一面取供具奏一面遣委員解送熱河沿途嚴加防範如未審訊亦卽解來再阿逆之子斷
不可留卽解送至京阿逆之妻係訥默庫之姊伊二女朕降旨賞給訥默庫著哈達哈阿蘭泰卽交彼處○諭著傳諭哈達哈朕昨
降旨令將和托輝特郡王青滾維卜解來京今適有阿睦爾撒納之事伊罪止於附合阿睦爾撒納非決不可貸者也且和托輝
特兵丁頗屬勇健萬一至於尙有用伊之處此際召伊如尙未到期卽不必亟擊問之旨可傳諭伊奉旨將汝召回原欲命汝進
京加恩今適有阿睦爾撒納之事此處正有應辦事務暫且不必進京設有用兵之處聽候調遣帶領和托輝特兵丁進發此時如
阿睦爾撒納尙未就獲可同伊將如何擒拿阿睦爾撒納並如何進兵之處詳悉定議列名具奏如伊已到業經傳旨拿問仍著解
送來京○庚辰諭軍機大臣等阿蘭泰等奏包沁總管阿克珠勒於八月二十九日回至游牧殺傷官兵已遣總管鄂博什帶索倫

兵丁追緝包沁人眾並將烏里雅蘇台兵丁分駐各隘口等語所辦尚合機宜仍速行文鄂博什追及包沁人眾時諭以黨同阿睦爾撒納除阿克珠勒一人餘皆被其脅從不相株累前阿克珠勒入覲時朕即疑其人狡猾難信擒獲時務訊明情節即在本處正法將家口一件處斬仍於得木齊內揀選一人授為宰桑管理遊牧又從前納噶察會將阿睦爾撒納與阿巴噶斯等逆謀告知將軍班第今已束身來歸誠意可嘉伊兵力甚弱著傳諭令其速赴熱河或即令整兵前進或於明年帶兵追捕阿睦爾撒納至時另行商辦至齊木庫爾先會擒送阿睦爾撒納所遣之們都今又由烏蘭庫圖勒接出遊牧並指陳應行防守堵截各事宜其屬可嘉仍遣朕旨前來入覲再阿睦爾撒納有搶掠喀爾喀之信雖未足憑但伊遊牧相離甚近平日頗悉喀爾喀情形或追及扎哈沁巴沁人等驚擾喀爾喀亦未可定哈達哈阿爾泰等務宜加意豫備計惟速將伊遊牧內移沿途密加防護方為妥協阿爾泰等見議今青滾雅下帶領新舊烏梁海堵截賊來要道即傳諭青滾雅下帶伊所轄兵丁會同察達克赤倫等烏梁海兵丁協助額琳沁多爾濟仍諭察達克受朕重恩又與阿睦爾撒納舊有仇隙宜奮勉務期擒獲逆賊並傳諭見在進兵人等與賊相遇各宜奮勇爭先不振軍威如能擒獲首惡其功更大必加格外殊恩以示鼓勵○二十上奉 皇太后駐蹕避暑山莊○諭軍機大臣等額琳沁多爾濟奏齊木庫爾於阿睦爾撒納未逃之先將伊欲叛情形告知甚屬可嘉著傳諭哈達哈阿爾泰不必將伊遊牧遷移仍令安居原處候朕降旨○諭朕降旨命阿敏道領兵偵探班第信息著傳諭永常派兵一百名進幹弁續發再傳諭額琳沁爾與阿逆有殺子之仇爾從哈達克來思沐國家厚恩豈為附合阿逆而來今阿逆負恩悖叛爾當盡力效誠協助擒獲以承厚恩即力有未逮斷不可入於其黨阿逆孤身逃竄大兵進剿計日被擒伊尙不能自保又豈能保他人乎此時如臺站已通即照此繕寫發遞班第如尚未通著速派兵續進○賞綽囉斯白台噶勒藏多爾濟等銀有差○癸未賜噶勒藏多爾濟等冠服○諭準噶爾部落人等互相殘殺羣遭塗炭不獲安生朕統一寰區不忍坐視特發兩路大兵進討各台管理鄂拓克宰桑等畏威懷德率屬來歸從軍自效今已平定伊犁擒獲達瓦齊是用廣沛仁恩酬庸錫爵準噶爾舊有四衛拉特今即仍其部落樹之君長噶勒藏多爾濟封為綽囉斯汗車凌封為杜爾伯特汗沙克都爾曼濟封為和碩特汗巴雅爾封為輝特汗台吉和通額默根達瓦布魯爾封為公台吉巴泰曼集鄂勒博達克巴授為扎薩克一等台吉羅布藏巴顏塞罕吹扎布鄂諾什本塔什索諾木丹津諾爾布授為扎薩克職銜將伊等授為扎薩克及所屬編次旗分佐領之處該部察例具奏宰桑鄂勒哲依哈薩克錫喇俱授為內大臣辦理圖什墨勒事務鄂勒哲依仍管喀喇沁鄂拓克哈薩克錫喇仍管噶勒藏特鄂拓克宰桑拉薩降達什車凌鄂諾什都薩爾鄂勒藏俱授為散秩大臣臣仍管各鄂拓克噶勒藏多爾濟等及管理鄂拓克之宰桑鄂勒哲依等受朕厚恩其屬各勒教養共圖生聚爾等如恪遵朕訓自承受無窮之福欽哉毋忘○諭軍機大臣等喀爾喀郡王桑桑多爾濟此次軍營行差甚屬奮勉伊祖丹津多爾濟原係親王著加恩晉封桑桑多爾濟為親王以示優眷○准臺灣府彰化縣水沙連淡防廳拳頭魯山開墾升科○甲申諭軍機大臣等永

常奏傳喚扎哈沁幸鄂爾奇木濟託故不至嗣形可疑已密行阿敏道喀爾納等命其酌量兵力擒拿等語鄂爾奇木濟係朕金
伊兄敦多克身故加恩優卹之人若果懷二心自難寬貸今授普爾普爲散秩大臣扎哈沁幸桑交副都統額勒登額侍衛端濟布
等帶往相機擒勦俟擒獲鄂爾奇木濟即交端濟布解送來京又將幸桑那勒哲依合達克圖等送回遊牧
整兵前進永常即傳諭哈薩克錫喇之弟堪其豫爲整備俟伊兄一到即協力前進勦捕又奏阿睦爾撒納見在逃叛恐搶掠
巴里坤見候阿敏道接續臺站信到即從穆壘退回巴里坤防守是竟置班第等於度外甚屬錯謬巴里坤即須防守可留三格辦
理永常策楞整頓兵力作速前進遇阿巴噶斯哈丹之眾務行勦滅三格若亦隨軍營前往即著派豆斌就近調取綠旗兵三千
召防守巴里坤至巴哈曼集將遊牧移於克什圖自係避賊豈有從亂而反內移之理永常不辦虛實存心畏怯辦理種種不協此
旨接到即同策楞奮勇前進毋得仍蹈舊轍愼之○諭阿爾泰等奏稱聞阿睦爾撒納見擬糾合叛黨接出遊牧並搶掠喀爾喀等
語此特虛張聲勢伊不但無此力量即實有之當乘其未集擊之甚易觀伊等奏報未免心存畏懼朕今命雅爾哈善前赴軍營會
同達爾黨阿哈達哈阿爾泰共商議進兵著達爾黨阿雅爾哈善前進哈達哈阿爾泰續往兆惠舒赫德即著在烏里雅蘇台軍營
辦事布拉克察罕托輝地方甚近哈達哈等接得此旨即派扎勒杭阿帶見領兵丁一千名同溫布前往布拉克察罕托輝等處追
捕阿睦爾撒納若馬力不足即用阿睦爾撒納遊牧馬匹或暫派齊木庫爾等遊牧之馬亦可再青滾雜卜察達克圖倫楚等前往
汗哈屯地方何以不卽遣伊等從彼處追捕阿睦爾撒納如遇阿逆卽行擒獲否則仍同扎勒杭阿會商勦捕○乙酉諭軍機大臣
等昨遣普爾普赴軍營協勦鄂爾奇木濟今永常奏鄂爾奇木濟並無異謀著傳諭額勒登額等將旨曉諭普爾普派侍衛端濟布
同伊回京領勒登額可仍赴西路○丙戌命副都統富德送台吉噶勒藏多爾濟等前赴軍營在領隊大臣上行走○丁亥諭軍機
大臣等前因永常駐兵穆壘指示辦理尙屬奮勉故仍令辦將軍事務授爲內大臣昨覽伊奏聞阿逆叛逃卽帶兵卻走實屬怯懦
不稱將軍之任著革去內大臣以副都統銜參贊效力定西將軍著策楞補授策楞身負重譴朕加恩復用務宜奮興士氣揚播軍
威毋稍推諉此旨到時扎拉豐阿玉保亦將至軍營策楞速整齊兵馬俟伊等到時會商擒勦阿巴噶斯哈丹等領兵直抵伊犁方
爲合宜觀準噶爾情形雖易變亂而我師以寡敵眾奮勇衝鋒卽驚駭奔散可詢問帶往幸桑等將背叛之鄂拓克嚴行勦捕○以
徐垣爲安徽按察使由江西吉○戊子諭喀爾喀郡王巴雅爾什第等追捕包沁叛賊生擒阿克珠勒斬誠台拉克等奮勉可嘉巴
雅爾什第著加恩封爲親王貝子沙克都爾扎布封爲貝勒公達爾扎諾爾布扎布封爲貝子協理台吉達瑪琳封爲公其餘奮勉
行走官員兵丁著哈達哈等查明報部議敘陣亡者亦查明照例恩卹阿克珠勒卽派員嚴行管押來京治罪○免江蘇武進等二
縣元年至十五年開抵役租銀兩○庚寅諭阿睦爾撒納上年率眾來歸朕加恩撫納封以王爵伊於召見時面陳略定準夷之策
朕以其才可用爰授定邊左副將軍爲我師嚮導近官軍奏凱朕召諸部台吉齊集熱河將行飲至之典詎阿睦爾撒納在伊犁軍

警時輒以私印調兵並遣使與哈薩克私通揚言非令伊總統準部不可種種不法節經班第等奏聞伊心懷叵測揣知軍前大臣必行參奏不得已赴召前來行至中途遂將印信交親王額琳沁多爾濟託故逃遁潛遣其黨七人來取家屬伊兄齊木庫爾執使首告伊妻亦以其負恩逃叛憤激不從願移內地阿睦爾撒納已爲無家之人而盧匿之初乘厄魯特諸部台吉見俱入覲輒布流言希圖煽惑眾聽搶掠臺站乃西路各部台吉俱堅心內向有業克明安宰桑扎木參等率所部數千人赴永常處叩請遷移附近軍營居住以爲倚庇乃永常不審虛實疑爲詭計張皇失措挾其宰桑置軍中爲質兼程卻走復恐或蹶其後檄行策楞以兵接應並將前遣安接臺站之副都統阿敏道行文撤回退駐巴里坤拒守夫阿睦爾撒納負恩逃叛叛部同仇即伊兄弟妻子亦皆憤恨離心况附和同叛之包沁部落北路聞信往勸酋首即已就擒部眾殲滅是阿睦爾撒納子身逃逃無難計日擒戮若當諸台吉叩轅請告之時永常克振軍威諸部得所依倚厲兵迅往追捕叛逆其勢甚易何至爲浮言驚駭無端退避使新附寒心士卒沮氣貽誤一至於此且伊前赴軍營時籌辦諸務率多冒昧即如軍行已有定站而錯會文移遽令剋日兼程前進兵糧業經支給猶喋喋以口食不繼爲詞希冀邀譽市恩竟不顧眾心搖惑此類難以枚舉朕是以但飭其駐烏嚕木齊聯絡聲援不使偕眾統兵進發蓋早知其中無定見全不察事理之輕重也茲當伊率人經平定回部率屬歸誠所辦者僅一潛蹤伏莽之逸賊耳而永常始則未即確實疑係竊夷自相劫掠奏請帶兵追逐意尙近於奮勉迨一聞阿睦爾撒納在逃之信忽爾畏葸乖張甘心僥倖賣出情理之外若不重治其罪何以任將帥而勵戎行永常善戰善謀解來京治罪定西將軍印務前有旨著策楞補授今觀策楞竟不能自發一謀自出一慮惟聽永常妄行調遣恐不能勝將軍之任策楞著仍在參贊大臣上行走即日帶兵前往其定西將軍著扎拉豐阿補授○諭軍機大臣等吳達善奏劉統勳准永常來札檄調甘肅營官兵援剿所辦甚屬錯謬阿睦爾撒納係聞軍營大臣參奏星罪潛逃豈能遽犯巴里坤致爲邊患試思從前噶爾丹策零時尙不能輕犯邊境况阿睦爾撒納素爲眾惡又復負恩逃竄人人恨其反覆即伊兄弟妻子亦盡離心以一窮蹙亡命何能飛度巴里坤殆密而須盡徵內地綠旗兵於數千里外爲拒守計耶且見據北路官兵將附和逆賊之包沁首惡就縛黨羽殲除軍威已振西路兵力不爲不敷與其調兵何若勤辦馬駝口糧應見兵之用劉統勳尙爲稍知事體者何一接永常來信竟不詳加審度惶遽若此定西將軍已著扎拉豐阿補授著速傳諭劉統勳令其就軍營見有官兵料理馬駝口糧即日前進如同肅辦理尙需時日並傳諭吳達善令其就近速爲籌備或調營馬或另行購買其價值不拘成例一面報知該協督即於甘肅一帶分槽餵養聽候調遣若購得驢壯之馬即先行解送軍營又諭劉統勳奏請駐紮密籌辦理進兵事宜甚屬錯謬朕初不意劉統勳亦張皇失措茫無定議至於如此業克明安宰桑扎木參等久經內屬來求依託必無被賊煽誘轉相煽伺之事此特永常望風疑畏自行驚擾所稱目親情形者豈果實有確據耶阿睦爾撒納在此時不過一亡命逸賊耳况素爲諸部所惡人皆切齒其此踴躍叛之包沁等已獲擒戮焉能一時鼓動諸部飛越數千里至巴里坤此等事理所必無者軍營

眾心所恃全在領兵大臣今一將軍一總督一都統無端自相驚怖舍穆壘而同巴里坤今又議舍巴里坤而就哈密軍心其何所恃劉統勳著嚴行申飭仍令速遵前旨卽籌辦馬匹口糧儘見在兵數或三千或二千剋期進發見已一誤再誤豈容更爲猶豫在劉統勳事務原非所諳但識見乖謬至此實在朕意料之外此時臺站偶斷止應急籌安接以通伊犁聲息所發班第等報匣何至盡行繳回竟漠然置之度外是何心耶著一併嚴行申飭報匣仍發回○論據永常奏請派兵七八千名進剿今僅有五千八百餘名先辦理馬駝口糧以利進行等語所奏益爲迷謬阿睦爾撒納之力斷不能據有伊犁所依附爲惡者不過阿巴噶斯哈丹數人耳今入覲諸台吉宰桑等俱云四衛拉特多係阿睦爾撒納仇讐前來入覲時卽已各飭游牧豫爲防範永常聞阿睦爾撒納潛逃卽心神擾亂一似賊眾已全收準部非大兵不能恢復者是以將伊犁問著傳諭策楞速整見有之兵相機前進俟扎拉豐阿玉保到時與噶勒藏多爾濟等台吉宰桑會商剿賊通信伊犁至臺站斷絕後發還班第等奏匣永常理應收貯俟接續後仍行發往乃遽爾繳回是置班第等於度外永常忍心若此實出情理之外若永常策楞在伊犁他人或棄置如此伊能甘心乎永常業經拿問著策楞卽派委幹員嚴加看守如或畏罪自戕惟策楞是問○乙未賜葉克明安台吉巴桑和碩持台吉色布騰等冠服銀兩有差○丙申諭劉統勳奏西路實在情形一摺乖謬已極見今伊犁平定之後阿睦爾撒納背叛竄阿巴噶斯哈丹弟兄不過一鄂拓克之宰桑爲所煽誘搶掠臺站業克明安宰桑扎木參等率眾求請於附近軍營居住而永常妄生疑懼遂退回巴里坤今噶勒藏多爾濟之子諾爾布琳沁卽帶兵千餘殺退阿巴噶斯兵眾則西路全勢並無絲毫變動若使永常仍駐穆壘率來歸之眾令爲前驅奮往直前早通伊犁聲息而追尋阿睦爾撒納逃蹤迹西陲當已安帖無事矣乃永常恇怯於前劉統勳附和於後實出情理之外軍營所恃全在領兵大臣今一將軍一總督無端自相恐怖眾心其何所恃耶劉統勳奏內所云諾爾布琳沁等來古之說俱未可深信夫諾爾布琳沁爲守護遊牧始則懇求內移繼則率眾剿賊見將阿巴噶斯之得木齊班咱擒送來營情形若此尙何不可信之有又云內外之界不可不分試思各部自歸誠以來悉已隸我版圖伊犁皆我界內尙何內外之可分今西路諸台吉宰桑皆知遣人來吉軍營求以兵力壯其聲勢其自效之意顯然可見而永常劉統勳乃望風疑畏甚欲全調陝甘滿漢標營馬匹且以向年巴里坤孤懸塞外爲駭被劫爲詞夫雍正年間準噶爾以其全力鴟張風竊視今日之一舉蕩平諸部歸誠相去天壤三尺童子莫不知之劉統勳作此種種乖謬之語貽誤軍事且班第等在伊犁係辦理軍務大臣劉統勳並不與永常急謀安接臺站竟奏請退回哈密而置班第等於不問伊身爲總督見在巴里坤一切軍營應辦事宜何莫非其專責卽如軍營馬匹見俱乏弱縱撤回之馬不無疲瘁而所有一切馬匹何以不豫飭養養臚壯劉統勳所司何事糜費錢糧不能適用其罪尤無可追昨據治大雄奏到伊犁安西官兵忽而調遣忽而停止馬力豈不更加疲乏永常已降旨革職解來京劉統勳如此乖張貽誤軍旅重務若以其係漢人爲之寬恕而不治以應得之罪則是朕歧視滿漢且將復何以用人何以集事耶劉統勳著革職解來京治罪尹子劉埔亦

著革職交刑部永常子額勒登額著革職在軍營效力永常劉統勳在京諸子並著交刑部所有各本旗籍及任所賞財並著查出爲償補軍需馬匹之用○論陝甘總督大學士黃廷桂尚未來京見在軍營有應辦糧馬事務著方觀承馳驛前往辦理其直隸總督印務著鄂爾達署理○諭軍機大臣等據永常奏稱諾爾布琳沁聚集兵丁擊敗阿巴噶斯之眾擒其得木齊班咱解送前來扎那噶爾布復來歸附又布庫努特之得木齊諾爾布亦率屬來歸等語諾爾布琳沁等如此效力而永常尚不出兵接應且以馬力疲乏爲詞實屬怯懦之至著傳諭策楞諾爾布琳沁尚在幼年即能如此奮勇著加恩封爲郡王策楞即於見在兵丁內選派千餘名疾速帶領前進策應諾爾布琳沁仍傳旨獎諭諾爾布琳沁並告以伊父噶勒藏多爾濟朝夕即至令其整頓兵力會合進行協助將軍班第等剿除逆亂所擒之得木齊班咱即由臺站解送至京仍慰諭扎那噶爾布令其堅心內附以受朕恩並偵探班第等信息速爲奏聞○諭見在審訊扎木參係與阿睦爾撒納同黨已將伊治罪著傳諭達哈等查伊妻子及所屬宰桑等嚴行拘管其從前賞賚物件俱追入官所有戶口牲畜什物著查出賞給齊木庫爾再前會降旨令將班珠爾等之戶口牲畜賞給此次效力之喀爾喀王公大臣等今訊其宰桑禪宗並未同謀已加恩將禪宗父子釋放所有戶口牲畜並著停其賞給仍交與辦理伊等遊牧之大臣等暫行安插禪宗並著賞銀一百兩○丁酉諭喀爾喀喇嘛諾顏綽爾濟在阿睦爾撒納遊牧誦經聞阿睦爾撒納之喇嘛楚魯木班珠爾以理阻止阿逆部眾不使逃竄諾顏綽爾濟即給與楚魯木班珠爾衣服以示獎勵並令其安撫眾人深知大義殊屬可嘉著加恩賞給清蘇朱克圖諾們汗之號其印信即入於辦理扎薩克印信內鑄給○封厄魯特貝勒齊木庫爾爲郡王○調汪由敦爲刑部尚書○戊戌諭軍機大臣等朕前諭將阿睦爾撒納班珠爾納噶察等屬人移於通肯呼裕爾今思沿途解送需派兵丁見在喀爾喀部落較從前頗知奮勉效力著將阿睦爾撒納等遊牧停其遷移除賞給齊木庫爾等人畝外所有戶口俱分賞喀爾喀等爲僕即著兆惠車布登扎布查明人數均勻賞給仍令嚴加約束稍有滋事即行治罪毋得令其脫逃○己亥諭太子少保內大臣戶部尚書海望老成敬慎辦事實心宣力有年勤勞懋著昨患痰證亟賜醫藥尙冀痊可遽然溢逝朕心深爲悼惜著賞銀二千兩治喪遣散秩大臣博勒奔察帶領侍衛往奠茶酒所有應得卹典該部察例具奏尋予祭葬諡勤恪○命截留湖廣糧糧二十萬石江西漕糧十萬石於江南備賑○庚子諭軍機大臣等詢問納噶察將阿睦爾撒納一切悖逆妄行之處據實供吐朕已施恩免罪仍留公爵著傳諭哈達哈等將納噶察及伊弟巴勒濟達克巴戶口俱停其辦理昨降旨將納噶察屬人賞給德濟特普爾普等今既給還著於班珠爾屬人內量爲分賞亦傳諭兆惠車布登扎布等知之○諭訊據班珠爾供伊欲寫信付和碩特台吉三濟特鄂爾濟等令其曉示和碩特遊牧人等將阿睦爾撒納擒獻等語三濟特鄂爾濟業已起程班珠爾之信交伊宰桑羅宗齋往著傳諭富德侯禪宗到時將班珠爾之信交三濟特鄂爾濟轉送和碩特人等並將三濟特等言語情形奏聞禪宗已加恩授爲散秩大臣著帶往軍前聽候調遣○召彭家屏來京以許松信爲江蘇布政使託恩多爲江蘇按察使

冬十月辛丑朔諭軍機大臣等據策楞奏稱官兵器械須豫備整齊隨同將軍進發等語策楞身獲重譴朕加恩寬給都統職銜令往西路理宜奮勉效力今伊觀望遲延毫無振作怯懦已極著扎拉豐阿一至軍營即傳旨將策楞解來京仍派員看守不得分其自盡三格雖非參贊亦係領隊大臣一意推諉亦有應得之罪著革去副都統留軍營效力贖罪○命副都統莽阿納哈爾阿爲西路領隊大臣○王寅諭軍機大臣等哈達哈阿蘭泰等奏郡王青滾雜下請派兵五萬名於明年進剿等語從前因青滾雜下諸事迎合同睦爾撒納會經降旨等因第因其情尚可恕且當用人之際是以復諭停止以觀後效今詢問阿睦爾撒納屬人供稱青滾雜下將班第薩喇爾參奏之處通信阿睦爾撒納伊既從中漏洩則聞其叛去心必惶懼見在所請派兵進剿之說亦非誠心效力不過藉此姑延時日若留伊辦事非惟不得其力轉須留心防範於事無益著哈達哈等仍遵前旨將青滾雜下解來京其貝勒令伊子承襲所領和托輝特兵丁哈達哈等即酌派大員管轄○諭哈達哈等奏稱九月十一日選派索倫喀爾喀兵丁令盧衡藍翎家固勒岱帶領自庫布克爾起程採取班第等信息等語哈達哈等較西路尙知奮勉所奏從四十八臺脫出之喀爾喀達瓦厄魯特巴顏等告稱隨從阿睦爾撒納人眾念其妻子羣相怨恨看此情形惟速帶兵進剿即可擒獲達瓦巴顏等被掠脫出蓄酌量賞資至根敦扎布負恩背叛情罪可惡將伊妻子近屬解來京其僕人分賞索倫喀爾喀等前命喀喇巴圖魯阿玉錫在哨探兵隊行走今哈達哈奏稱遣往齊木庫爾遊牧此際應已接奉諭旨即遵照前旨速赴軍營○甲辰以阿里衮爲戶部尚書納穆扎爾爲戶部右侍郎舒明爲吏部左侍郎德爾敏爲左副都御史_{由工部左侍郎遷}○以衛哲治爲工部尚書鄂寶署廣西巡撫_{由奉天府尹署}○丙午諭軍機大臣等哈達哈等奏令郡王青滾雜下同扎勒杭阿等帶兵追捕阿睦爾撒納等語朕因和托輝特兵尙可用曾將青滾雜下暫停擊問近聞其暗結阿睦爾撒納而所請明年派兵進剿之語顯係遲回觀望是以仍令擊解來京但哈達哈等業已派令帶兵前進又復調回必生疑懼著傳諭哈達哈若接到擊問諭旨尙未舉行即速赴伊營留心察看儻誠心奮勉仍免其擊問將前旨及奏摺密封進呈若情形叵測哈達哈先酌定堪以管轄和托輝特兵眾之人即將青滾雜下擊解來京此際最宜斟酌妥協詳慎辦理從前班第等參奏阿睦爾撒納伊尙聞和暗中通信今伊自知罪愆必多顧慮尤宜加意慎密○諭哈達哈等奏令郡王青滾雜下等帶兵前進伊等亦陸續進發又據從臺站脫出人告稱於鏗格爾西喇托輝等處曾遇阿睦爾撒納等語看來阿睦爾撒納情形甚爲窘迫若督兵速進自當擒獲朕已將分隊帶兵之處降旨伊等自當遵照辦理阿睦爾撒納搶掠臺站時塔本集費入等亦至額爾齊斯等處搶掠今大兵前往務將從賊黨羽悉心搜捕如塔本集費等遊牧更宜勒絕以壯軍威若能直至伊犁地方通信班第等併力夾攻固爲甚善或須俟西路兵力即據形勢之地以待聲援相機進剿哈達哈等固不可稍存畏葸亦當計出萬全妥協辦理至從臺站脫出之喀爾喀及訥默庫巴圖博羅特等屬人勞悴可憫哈達哈等酌酌量賞資以示鼓勵○諭前因杜爾伯特部落人眾已分爲兩翼各授盟長看來盟長二員尙屬不敷著將車凌車凌烏巴什訥默庫俱授爲盟長並著色布騰爲車凌

之副車凌孟克爲車凌烏巴什之副噶勒藏多爾濟爲訥默庫之副輝特部落人既無多即著齊木庫爾爲盟長和碩特部落著沙克都爾曼濟爲盟長俱不必副○命浙江再截留漕糧五萬石備賑○丁未封親王訥默庫子喇嘛扎布爲貝勒○戊申 上奉皇太后自避暑山莊回鑾○諭富勒赫奏趙永德呈首原任郎中程鑒作詩誹謗悖逆見交布按二司嚴審一摺朕閱程鑒鈔刻詩冊膚淺本不成詩但其中並無譏訕悖逆之語而送王大一首係鈔襲古詩以爲己作則富商無識務名之習畢露看來此事明係趙永德索詐不遂挾嫌誣害富勒赫爲其所愚據以入奏耳從前胡中藻身爲翰林心懷怨望竟作種種悖妄之詞刊刻分送若不重加懲治無以正人心而端風紀是以不得不行辦理儆因有此案動於語言文字之間指摘苛求則狡黠之徒藉以行其誣詐有司不察輒以上聞告訐紛繁何所不至迨至辨明昭雪而貽累已甚此等刁風斷不可長趙永德善交諂撫莊有恭嚴審定擬具奏尋奏趙永德審係訛詐提訊朋謀人等定擬得旨知道了此必待朕諭而後敢如是辦理可謂不知朕意亦不識大臣之體矣可愧○已酉諭軍機大臣等據策楞奏稱杜爾伯特台吉班珠爾來稟班第薩喇爾等帶領達什達瓦兵丁由珠勒都斯甯路而出等語班第薩喇爾鄂容安瑪木特僅率兵數百驟值賊匪爲變朕心實爲慮是以屢降諭旨催趙永常策楞赴援今聞班第等已出深堪軫恤將朕所佩荷包發去班第薩喇爾鄂容安瑪木特各賞給一箇目今擒捕賊匪最爲緊要計班第薩喇爾到時扎拉豐阿玉保噶勒藏多爾濟諒皆可到伊等公同商議將所有兵眾歸併一處或由額林哈畢爾噶地方搜捕或徑行平定伊犁之處詢問鄂勒哲依相機辦理布庫努特庫圖齊納爾阿巴噶斯等鄂拓克人戶俱著殲戮其辛桑頭目悉從誅夷馬匹牲畜分賞兵眾以壯軍力杜爾伯特台吉班珠爾聞知卽爲送信沙津巴圖自伊犁通信均屬可嘉班珠爾著加恩封爲公爵沙津巴圖授爲三等侍衛達什達瓦屬下人等交班第等按其勞績分別奏請加恩班第如尚未到策楞可卽傳諭班珠爾沙津巴圖令其忻喜一面鈔錄諭旨迎路發與班第○辛亥諭軍機大臣等哈達哈等奏據厄魯特巴雅爾供青滾雜小帶往烏梁海之諾爾布丹津係巴特瑪車凌之弟於七月內曾往見阿睦爾撒納其巴特瑪車凌所屬六十戶見在青滾雜小軍營等語看來青滾雜小必有通信於阿睦爾撒納之事是以令諾爾布丹津前往且查出巴特瑪車凌戶口亦未呈報前曾兩次降旨拏伊來京繼又中止儻伊和覺懷疑生懼愈滋事端著傳諭達爾黨阿將青滾雜小喚回拏解或令哈達哈卽於軍前拏解其還派大員管理和托輝特兵眾及令伊子承襲貝勒之處俱遵前旨行○命江南災地折賑米價每石加銀二錢○壬子諭劉統勳因永常自穆壘退回巴里坤輕信浮言張皇附和奏請退守哈密拒絕歸附之諾爾布林沁種種乖謬不可枚舉是以降旨革職拏解來京治罪夫律以逗撓軍機搆毀輿情卽置之法實無可追但朕念劉統勳所司者在糧餉馬駝其軍行進止原係將軍之事設令模稜之人緘默自全轉可不致獲罪是其言雖刺謬其心尙可原也况永常尙不知死緩之義何怪於懦弱書生劉統勳在漢大臣中平日尙舊往往任事朕於萬無可寬之中求其一錢可生予以自新之路劉統勳著從寬免其治罪發往軍營交班第等令其在司員內辦理軍需效力贖罪儻伊以爲士可殺而不

可尋欲來京甘受典刑亦惟其所自處伊子俱著釋放劉墀著加恩令其編修上行走自效至策楞去歲即以愎性獲罪今復用爲都統於永常退同時卽當一面參奏一面帶兵進剿乃一味曲從依違觀望故亦降旨革職等因在伊實有應得之罪但此番坐失機宜永常實爲罪首策楞乃係因伊獲譴亦著從寬免其治罪交與扎拉豐阿令在司員內辦理糧餉效力贖罪劉統勳前後所奏諸措並發○癸丑論軍機大臣等喀爾喀扎薩克琳不勒多爾濟等於阿睦爾撒納逃竄時被其掩襲力戰得脫仍將賊人後隊軍裝收獲奮勉可嘉著加恩將琳不勒多爾濟封爲公賞銀一百兩其驍騎校齊克慎授爲三等侍衛賞銀四十兩盧衛藍翎承德伍岱俱授爲藍翎侍衛各賞銀三十兩並馳驛前往軍營效力行走訥默庫屬人諾斯海剛多爾濟屬人鄂勒哲依亦各賞銀二十兩同琳丕勒多爾濟遇回各遊牧○甲寅 上奉 皇太后還京師○定盛京大政殿朝期數對職名例○丙辰論軍機大臣等哈達哈等奏據脫出之巴拜等供稱阿睦爾撒納遣宰桑尼瑪前往烏梁海宰桑果勒卓輝處通信會合等語汗哈屯烏梁海等係兵力收服非察達克車根赤倫等典賊有仇久經歸順者可比我兵既進伊等或襲其後甚有關繫達爾扎達哈等宜加意防範再察達克等去歲投誠俱加恩授職此次收服宰桑果勒卓輝瑪濟岱等著加恩授爲三品總管賞給翎頂其餘宰桑有應酌量授爲三四品總管未經查奏者著達爾扎達等查明酌量授職一面奏聞一面辦理再伊等馬匹牲畜若以銀兩段疋與之交易既可分伊等之力亦藉以助給軍需即可傳諭察達克等若能勉力承辦必加恩賞○諭富德奏稱額爾齊斯之北有達爾遜圖喇地方係準噶爾哈薩克俄羅斯交界其地產鹽與圖所載額爾齊斯之北有鹽池卽其地也距塔爾巴哈台千里阿睦爾撒納勢將窮蹙或由北路逃往俄羅斯亦未可定著傳諭達爾扎達哈等帶兵進發後改令哈薩克赤倫等帶伊舊烏梁海兵數百名赴其地巡查堵截或於索倫兵內分數百人前往亦可伊等願往所派兵丁俱照軍營一體賞資○丁巳以達瓦齊羅布扎莽喀圖巴敦多克和通等解送至京遣官告祭 太廟 社稷行獻俘禮○建四川打箭爐城垣 戊午 上御午門樓受俘釋達瓦齊等交理藩院○御製平定準噶爾告成太學碑文曰遼矣山戎薰蕕旃裘毳幕之人界以龍沙畜其驍義雖無恆業厥有分部蓋自元黃剖判萬物芸生東夷西夷各依其地謬舉涓維未爲理據皇古莫紀其見之書史者自周宣太原之伐秦政互海之築莫不畏其侵欺捐夏是虞自時厥後一二奮發之君慨然思挫其鋒而納之宥然事不中機材不副用加以地遠無足處故嘗勞罕費財十損一得捐紳之備守和親介冑之士言征伐則民力竭和親則國威喪於是守有四夷羈縻不絕地不可耕民不可臣之言興矣然此以論漢唐宋明之中夏而非謂我皇清之中夏也皇清尙 天之龍興東海撫華區有元之裔入屬版章歲朝貢從征討執役惟謹準噶爾厄魯特者本有元之臣僕叛出據海西終明世爲邊患至噶爾丹而稍強吞噶爾番闡入北塞我 皇祖三臨朔漠用大破其師元惡伏辜誅裔從遠逝迹毋俾遺種於我喀爾喀厥旌策旌阿喇布坦收其遺孽僅保伊犁故嘗索俘取地無敢不共隸夫部落滋聚乃以計襲哈密入西藏準夷之勢於是而復張 兩朝命將問罪雖屢獲捷而庚戌之役逆子噶爾丹策零能用其父舊人

乘我師愈掠畜於巴里坤擣營於科布多於是而準夷之勢大振然地既險遠主客異焉此勞往而無利彼亦如之故額爾德尼招之敗彼亦以彼貪利而深入也 皇考謂我武惟揚不可以既允其請和以息我戢予小子敬奉 先志無越思焉既而噶爾丹策喀死子策妄多爾濟那木扎勒暴殘喇嘛達爾扎囊奪之達瓦齊又篡奪喇嘛達爾扎而酗酒虐下尤甚焉癸酉冬杜爾伯特台吉車凌等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩路之師問彼罪魁安我新附凡運餉籌駭長行利戰之事悉備議之始熟經於庚戌之觀者咸懼蹈轍惟大學士忠勇公傅恆見與朕同而新附諸台吉則求之甚力朕謂羣庭堵穴卽不敢必然喀爾喀之地必不可以久居若而人毋需用其鋒而觀厥成卽不如志亦非所悔也故凡鴻旗命將之典樂未舉行亦云偏師嘗試爲之耳塞上用兵必以秋而阿睦爾撒納瑪木特請以春月欲乘彼馬未肥則不能遁朕謂其言良遠從之北路以二月丙辰西路以二月己巳各啓行哈密瀚海向無雨今春乃大雨咸以爲時雨之師入賊境凡所遇之鄂拓克攜羊酒糗糒迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必眾念彼眾皆我眾多傷非所以體上慈也丁亥遣阿玉錫等二十五人夜斫營覘賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎藏六月庚戌回人阿奇木霍集斯伯克執達瓦齊來獻軍門準噶爾平是役也定議不過二人籌事不過一年兵行不過五月無亡矢遺鐵之費大勦以集遐壤以定豈人力哉天也然天垂佑而授之事機設不奉行之以致生失者多矣可與樂成不可與謀始亦謂蠻蠻之眾云爾豈其卿大夫之謂既克集事則又曰苟知其易將勦爲之夫明於事後者必將昧於幾先朕用是寒心且準噶爾一部落耳一二有能爲之長而其樹也固焉一二暴失德之長而其亡也忽焉朕用是知懼武成勒碑 文廟例也禮臣以爲請故據實事書之其辭曰茫茫伊犁大幹之西匪今伊昔化外羈縻條支之東大宛以南隨畜獸蟻聚狼貪乃世其惡乃恃其遠或激我攻而乘我緩其計在斯其長可窮止戈靖邊化日薰風不侵不距不來其邪款關求市亦不禁訶始慕希珍終居奇貨吏喜無事遷就斯悞漸不可長我豈懼其豈如宋明和市之爲既却其然防我邊吏弗縱弗嚴示之節制不仁之守再世斯新算奪相仍飄忽在苒風沙革面煎葦披忱集洋飛鵠食騏驎音錫之爵位業以華裾膝前面請顯效前驅分兵兩路雪甲霜鋒先導中堅如雷錯攻益以後勁蒙古舊屬八旗子弟其心允篤二月卜吉牙旗飄飄我騎斯騰無待折膠泉湧於磧蕪茁於路我眾歡躍謂有天助匪運我眾新附亦云黃髮耄耋水草富春鳥嚙木齊博噶塔拉台吉宰桑紛紛款納率其肥羊及馬運酒獻其屠著合掌雙手予有前諭所禁侵陵以茶交易大愉眾情眾情既愉來者日繼繼達瓦齊擁兵自衛依山據淖惟旦夕延有近萬人其心十千勇不自逃掄二十五日阿玉錫率往賊所街放夜襲直入其郭揮子拍馬大聲疾呼彼人既離我志斯合突將無前縱橫擊案角鹿墜隴種籠束自相狼藉孰敢攫鋒狐鼠鼠逃將往異域回部遮之兇渠斯得濟布既至吉 廟受俘凡此歲功荷天之衛在古